



**Sámi  
allaskuvla**

Oahppoplána

## **Duoji ja hábmema lágídit almmolašvuhtii**

DUO 140

10 oahppočuoggá



Dohkkehuvvon Giela, duoji, boazodoalu ja servodatdiehtagiid goađi jođiheaddji mearrádusnotáhta bokte 21.02.2019 (Public áššenr. 19/00119-1). Rievdaduvvon goahtejođiheaddji mearrádusnotáhta bokte 30.01.25 (Public áššenr. 25/00084-1).

## 1. Oahpu namma

Sámegillii: Duoji ja hábmema lágidepmat almmolašvuhtii  
Dárogillii: Iscenesetting av duodji og design  
Eŋgelasgillii: Public Staging of Duodji and Design

## 2. Oppalaš dieđut oahpu birra

**Oahpu koda:** DUO 140  
**Dássi:** Bachelor, vuodđooahppu  
**Viidodat:** 10 oahppočuoggá  
**Galli lohkanbaji badjel:** 1  
**Oahpu lágideapmi:** Neahttadoarjjaoahpahuš: Oahpus leat sihke fysalaš deaivvadeamit Sámi allaskuvllas ja neahttaoahpahuš. Logaldallamiidda lea vejolaš oassálastit neahta bokte, muhto hárbjehusat ja bargobájit gáibidit fysalaš searvama.

## 3. Oahpu gullevašvuotta

Oahppu lea válljenmuni oahppu duoji ja hábmema bachelorprográmmas. Oahppu sáhtta leat maiddá doarjjafágan dahje válljenfágan eará bachelorprográmmain dahje eará oahpuin.

## 4. Sisabeassangáibádusat

- Dábalaš sisabeassangáibádusat alitohppui. Sisabeassanvuoddu sáhtta leat juogo oppalaš lohkanbollašvuotta (čadahan joatkkaskuvlla, logahaga dahje gymnása) dahje reálagelbollašvuotta.
- Sámeielmáhttu
- Duodje-, dáidda- dahje hábmengelbollašvuotta

Sámegiela gáibádusa sáhtta deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan 2, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje odđaaigásaš giellan (moderna språk 200-300 čuoggá) dahje vástideaddji sámegieloahppu doaibmi njuolggadusaid mielde. Sámeigiela gáibádusa sáhtta maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida.

Duodje-, dáidda- dahje hábmengelbollašvuoda gáibádusa sáhtta duodaštit čuovvovaš vugiid mielde: Norgga joatkkaskuvllas čadahan duodje-, dáidda- dahje hábmenoahpu, Suomas duodje-, dáidda- dahje hábmensuorggi artesánaoahpu, Ruota gymnásas čadahan estehtalaš- dahje sámeprográmma. Duodje-, dáidda- dahje hábmengelbollašvuoda sáhtta maiddá deavdit jus lea maŋŋel joatkkaskuvlla čadahan unnimusat jagi duodje-, dáidda- dahje hábmensuorggi oahpu ámmáskuvllas dahje

fágaskuvllas, dahje universitehta- ja allaskuvladásis čađahan unnimusat 15 oahppočuoggá duodje-, dáidda- dahje hábmenuorggi oahpu.

Jus ohccis ii leat formála gelbbolašvuotta fágasuorggis, de sáhtta ohcci maiddái duodaštit duodje-, dáidda- dahje hábmenfágalaš gelbbolašvuoda iežas bargguid bokte. Dasto galgá juogo sáddet sisa ja oažžut dohkkehuvvot:

- Govaid unnimusat viđa duojis, dahje
- 2-3 duodje-, hábmen dahje dáiddalaš proševttain, mat čujuhit kreatiivvalaš proseassaide, ovdamearkka dihtii portfolio

Dárbbu mielde ovddiduvvo gelbbolašvuoda meroštallan fágalaš árvoštallamii ja meannuduvvo dán vuodul. Sáhtta nai čađahuvvot ságastallan duodjegelbbolašvuoda árvoštallama doarjjan.

## 5. Oahpahas- ja eksámengiella

Váldo oahpahas- ja eksámengiella lea davvisámegiella. Jus oassi logaldallamiin lea eará sámegeilaide, dáro- dahje ruotagillii, de dat dulkojuvvo dárbbu mielde. Jus logaldallamat leat eanjalasgillii, dat eai dulkojuvvo. Eará sámegeilat studeanttaide geahččalit láchčit dili nu ahte sii sáhttet čállit bargguid ja eksámena, ja oažžut oasi bagadallamis iežaset sámegeillii.

## 6. Sisdoallu

Oahpu ulbmil lea fidnet vásáhusa, mo produkšuvdna lágiduvvo ideas gitta gárvves duodjái. Studeanttat galget sáhttit ráhkadit smávit produkšuvnnaid.

Oahpus studeanttat besset oahpásmuvvat mo vuhtiiváldit plánema ja čađaheami ovdamearkka dihte čájáhusaid, doaluid dahje teáhterbihtáid oktavuodas. Oahpus galget studeanttat maid digaštallat, maid mearkkaša báikki ja guovllu iešdovdu doaluid hábmemis. Oassin oahpus lea oahpásmuvvat mo eará álgoálbmot guovlluin leat geavahan kultuvrii čadnon dávviriid ja biktasiid sierra láhtadallamiid oktavuodas.

Studeanttat galget joavkkuid mielde dahkat smávit produkšuvnnaid. Čuovvut/áicat muhtun produkšuvnna ja oaidnit iešguđet osiid das mat leat dehálaččat bohtosii.

Studeanttat galget fidnet dieđuid ja hárváneami mo lágidit duoji almmolaš oktavuodaide, jogo teáhterii, čájáhussii dahje eará almmolaš dilálašvuodaide. Studeanttat galget hárvehusaid bokte beassat dovddiidit mo sierra produkšuvnnaid doibmet álggus gitta lohppii.

Studeanttat galget fidnet vuodđodieđuid bivttas- ja hápmahistorjjás, mat leat čadnon eará álgoálbmogiid rituálaide ja čájálmasaide.

## 7. Oahppanjoksosat

Oahppu maŋŋá kandidáhtta lea olahan dáid oahppanjoksosiid:

*Diehtu:*

Studeanta

- dovdá dihto hábmenvugiid almmolaš lanjain, nugo omd. scenografiija ja čájáhuslanjaid
- dovdá tehnikkalaš veahkkeneavvuid ja iešguđet lágan fágaolbmuid doaimmaid
- lea ovdánahtán áddejumi, mii lea sierra produkšuvnnaid juotna ja mo čatnat dan oktii
- lea ožžon áddejumi, mo geavahit musihka, jiena, gova ja filmma muhtun produkšuvnna
- dovddiida mo eará álgoálbmogat leat geavahan kultuvrralaš dovdomearkkaid ovdanbuktimis

*Máhttu:*

Studeanta

- máhtá plánet ja čađahit álkes produkšuvnna
- máhtá ráhkadit dihto fáttá siskkobealde čájáhusa/čájálmasa
- máhtá geavahit veahkkeneavvuid mat loktejit dujiid ovdabuktima, nugo čuovgga, jiena, govaid jna.

*Oppalaš gelbbolašvuohta:*

Studeanta

- dovddiida eará álgoálbmogiid dujiid lágideami almmolašvuhtii
- máhtá ovttasbargat earáiguin produkšuvnna
- máhtá geavahit digitála bargovugiid plánedettiin muhtun produkšuvnna

## 8. Oahpahan- ja oahppanvuogit

Logaldallamat, duddjon, čájáhusgalledeapmi, lohkanmeari lohkan, hárjehusat, bagadallamat ja seminárat. Oahpus lea bealli lágiduvvon (logaldallamat, bagadallamat, bargobájit, seminárat jna.) ja bealli studeantta iešheanálaš bargan (duddjon, bargobihtáid čoavdin, lohkan, jna.).

## 9. Gáibádusat beassat eksámenii

Čuovvovaš gáibádusat galget leat dohkkehuvvon ovdal studeanta beassá eksámenii:

- Čađahan ovttá stuorra kreatiivvalaš joavkoprodukšuvnna dahje guokte smávit produkšuvnna. Produkšuvnna fáddá ja viidodat šiehttojuvvo fágaoahpaheddjiiguin.
- Joavku ráhkada oktasaš portfolio produkšuvnna, mas oidno juohke studeantta bargooassi, su kreatiivva barguid ja njálmmálaš reflekšuvnnaid olis.

## 10. Eksámen

Eksámen lea guovtti oasis:

1. Joavkoeksámen mas studeanttat čađahit čájáhusa/čájálmasa, mas juohke studeanta bargu boahtá ovdan. Deattuhuvvo 70 % loahpalaš árvosánis.

2. 10-15 minuvtta oktagaslaš njálmmálaš eksamen, mas studeanta reflektere produkšuvnna. Deattuhuvvo 30 % loahpalaš árvosánis.

Eksámenat árvvoštallojuvvojit bustávvaárvosániiguin, mas A lea buoremus árvosátni ja E lea vuolemus ceavzinárvosátni. F árvosátni mearkkaša ahte ii leat ceavzán. Muđui čujuhuvvo Sámi allaskuvlla loahpalaš árvvoštallan- ja eksámena lánkaásahussii.

## **11. Leago privatisttain vejolaš váldit dan oahpu?**

Ii leat

## **12. Kvalitehtasihkkarastin**

Čujuhuvvo Sámi allaskuvlla kvalitehtasihkkarastinvuogádahkii ja dasa makkár vejolašvuodát ja geatnegasvuodát studeanttain leat árvvoštallat Sámi allaskuvlla oahppofálaldagaid ja bálvalusaid kvalitehta. Studeanttain lea geatnegasvuolta searvat árvvoštallamiidda mat leat oassin kvalitehtasihkkarastinvuogádagas.